

Piginneqataasup pingaarnertut malitassai

Piginneqataasup akueraa aqutsisut unammillersinnaasumik akissarsiaqartinneqarnissaat pisariaqartoq ingerlatseqatigiiffimmi aqutsisut pikkorissut pissarsiarineqassappata piginnarneqassappatalu. Akissarsiali inuiaqatigiinni akissarsiat ineriartornerannut naapertuuttut isigineqartariaqarput. Akissarsiat tamakkiisut, tassa aalajangersimasooq nikerartorlu allallu tapit akissarsianiittut, akuerineqarsinnaasumik qaqqassuseqartariaqarput aqutsisullu nammineerlutik suliaannut, akissusaaffiit ingerlatseqatigiiffimillu nalilinnik pilersitsisarnerannut tulluullutik.

Siulersuisuni ilaasortat akissarsiaannut politikki

Piginnittup akissarsiat pillugit politikki naapertorlugu siulersuisuni ilaasortat aalajangersimasunik akissarsiaqartinneqarput. Akissarsiat amerlassusissaat ataatsimeersuarnermi aalajangersarneqartarpoq ukiumoortumillu nalunaarummi nalunaarutigineqartarluni. Ingerlatseqatigiiffiup siulersuisuni ilaasortat sulinerminnut atatillugu angalanerinit, ineqarnerinit, attaveqartarnerannut il.il. aningaasartuutit akilertarpai. Siulersuisuni ilaasortat suliaannut tunngassuteqartut qarasaasiakku nassiunneqartarput taamaattumik ingerlatseqatigiiffik ilaasortat allaffissornerannut tapiissuteqartarpoq taamatullu IT-mik atuinerannut. Siulersuisuni ilaasortat kujuummissummik akissarsiaqartinneqarneq ajorput.

Direktionip akissarsiaannut politikki

Pisortaanerit akissarsiaasa angissusaat katiterneqarnerilu atorfinnut assigusunut angisuumik akissusaaffitalinnut naleqqiullugit pilerinartuussapput. Akissarsiat aalajangersarneqartassapput ingerlatseqatigiiffiup pisortanit pigineqartut inissisimamut paasisimallugu.

Akissarsiat aalajangersarneqartassapput paasinartumik aamma sapinngisamik pisariitsumik qularnaarlugu ingerlatseqatigiiffiup soqutigisaanut naapertuunnissaa.

Akissarsiat iluanniipput akissarsiat aalajangersimasut, soraarnerussutisiaqalernissamut akiliutit (ingerlatseqatigiiffiup neqeroortutigineq ajorpai suliat tunngavigalugit soraarnerussutisiaqartitsinissaq), biileqartitaaneq, angersimasaffimmi sullivik (internet aamma oqarasuaat) kiisalu pisariaqartinneqarpat atorfinnut atatillugu ineqartinneqarneq, tassani pisortaanerit attartornermut akiliisassapput malittarisassat atuuttut naapertorlugit. Tassunga ilanngunneqassapput angusat naapertorlugit ajunngittorsiaqartitaaneq.

Angusat naapertorlugit ajunngittorsiaqartitaaneq.

Siulersuisuni ilaasortat angusat apeqqutaatillugu immikkut ajunngitsorsiaqartarnissamut aqqissuussineq aqutugalugu pilersikkumavaat ingerlatseqatigiiffiup anguniagaasa angunissaanut pisortaanerit immikkut kajumissuseqartarnissaat. Immikkut ajunngitsorsiaqartitaanissamut tunngaviit aalajangersarneqartassapput siunertarlugu ukiut naatsorsuiffiit ataasiakkaat iluini angusassat taamatullu ingerlatseqatigiiffiup anguniagassai pillugit.

Pisortaanerit angusat tunngavigalugit akissarsiaasa annerpaaffigissavaat, soraarnerussutisiaqalernissamut akiliutit pinnagit, aalajangersimasumik akissarsiat 20-40 %-ii.

Angusassatut aalajangersarneqartuni ilaassapput nalinnaasut angusassanut uuttuutit soorlu aningaasatigut angusat kiisalu sulisut atuisartullu iluarisimaarinninnerat kiisalu aalajangiinnermut tunngaviit naleqquttut allat taakkuli pissutaallutik piffissap sivikitsup iluani iluanaarniapilulluni imaluunniit ajunaarutaasinnasumik pissusilersortoqassanngilaq.

Siulersuisuni ilaasortat nominerings- amma akissarsianut ataatsimiititaliamik toqqaanikuupput ukiut tamaasa tapisianik misissuisartussanik kiislu tapisinissamut anguniakkanik nutarterisar-tussanik. Tamanna tunngavigalugu siulersuisuni ilaasortat pisortaanerit angusassaannik aalajangersaasassapput.

TELE Greenland A/S

Postboks 1002

3900 Nuuk

Tlf.: +299 34 12 55

Fax: +299 32 22 55

CVR.nr.: 1751 6345

www.telepost.gl

www.tusass.gl

Pisortaanerit immikkut isumaqatigiissuteqarfigineqartassapput, aalajangersarlugu immikkorluinnaq pisoqartillugu pisortaanerit tamakkiisumik ilaannakoortumilluunniit tapisianik utertitseqqusisinnaanerit tunniunneqarsimasunik paasissutissat kukkusumik uppersarsarneqarsimasut tunngavigalugit.

Pisortaanerit soraarneranni atugassarititaasut

Pisortaanerit soraarnissaminut piffissaq atugassaasa naligat, soraarnermi ajunngitsorsiat il.il. annerpaamik qaammatini aqqaneq-marlunni akissiat angeqqatigisassavaat. Soraarnermut atatillugu ajunngitsorsiat taamaallaat tunniunneqarsinnaapput ingerlatseqatigiiffik soraarsitsisimappat.

Paasinartuuneq aamma ammasuuneq

Akissarsiat pillugit politikki ataatsimeersuarnermi saqqummiunneqassaaq akuerisassanngorlugu kingornalu tamanut saqqummiunneqassaaq ingerlatseqatigiiffiup nittartagaatigut. Siulersuisuni ilaasortat akissarsianut politikkimik allanngortitsissagaluarpata aamma taakku ataatsimeersuarnermi saqqummiunneqassapput akuerisassanngorlugit.

Ingerlatseqatigiiffiup ukiumoortumik nalunaarutaa akissarsianut politikki pillugu avammut attaveqarnermi pingaaruteqarluinnartuuvog. Siulersuisuni ilaasortat nominering- aamma akissarsianut ataatsimiititaliaa suliaasaat pingaarutilik tassaavog, misissussallugu:

- Ukiumoortumik nalunaarut imaqqassasoq pisortaanerit ataasiakkaat akissarsiaqartinneqarneranni immikkuualuttut pingaarutilit tamakkiisumik allaaserineqarsimanissaat,
- Pisortaqatigiinni ilaasut ataasiakkaat akissarsiaat tamakkiisut nalunaarutigineqarsimassasut,
- Ukiumut nalunaarummi nassuiarneqarsimassasoq akissarsiat akissarsianut politikki naapertorlugu aalajangersarneqarsimasut.

Aamma Nominerings- aamma akissarsianut ataatsimiititaliap peqataanik nakkutigissavaa ingerlatseqatigiiffiup ukiumoortumik nalunaarutaa pisortaanerit soraarnissaminut piffissaq atugassaasa allassimanisarnissaa kiisalu sulisitsiinnarnissamut aamma soraarnermut atatillugu aqqissuussinerit imaasa pingaarnerit allassimanissaat.

Tele Greenland A/S-p siulersuisuinit siullerpaamik akuerineqarpoq

Nuuk, 10. decembari 2013

Tele Greenland A/S-ip siulersuisuinit kingusinnerpaamik akuerineqarpoq

Nuuk 17. februar 2021

Tele Greenland A/S ataatsimeersuarnerani akuerineqarpoq

Nuuk, 18. Maj 2021